

## Вало орқали мерос олиш



16:05 / 23.12.2019 2216

سُدْسِلْ دَجَلَلْ عَج ملسو هيلع لال ىلص ىب نل انأ :نَع ه ل ل ا ي ص ر ة د ي ر ب ن ع  
م ل ع ا و ي ل ع ا و : ي ئ ا س ن ل ا و د و ا د و ب ا ه ا و ر : م ا ا ه ن و د ن ك ت م ل ا ذ ا

Бурайда розияллоҳу анҳудан ривоят қилинади:

«Набий соллаллоҳу алайҳи васаллам она бўлмаганда, момога олтидан бирни берганлар».

Абу Довуд ва Насайй ривоят қилганлар. Аллоҳ олий ва билгувчиروқдир.

Майитнинг онаси бўлса, момоси мерос олмайди. Она момони меросдан тўсади. Шунингдек, ота бобони ҳам, момони ҳам меросдан тўсади.

Вало орқали мерос олиш



Оиша розияллоҳу анҳодан ривоят қилинади:

«Набий соллаллоҳу алайҳи васаллам:

«Вало пул берганга ва валинеъмат бўлгангадир», дедилар».

Бешовлари ривоят қилганлар.

Бухорийнинг лафзида:

«Бир қавмнинг мавлоси уларнинг ўзларидандир. Ёки шунга ўхшаш гап айтдилар», дейилган.

Валонинг, яъни озод қилинган қулнинг меросини олиш уни пул бериб, сотиб олган ва унга озодлик неъматини бериб, валийнеъмат бўлган кишига бўлади.

«Мавло» ҳам озод қилинган қулдир. Исломий одоб юзасидан собиқ қулларга нисбатан қул ва шунга ўхшаш сўзларни ишлатмасдан, уларга «маvlo», «дўст», «хўжайин» каби эркатувчи истилоҳлар билан мурожаат қилинган.

Имом Бухорийнинг ривоятларида келган:

«Бир қавмнинг мавлоси уларнинг ўзларидандир», деган ҳадиси шарифга амал қилиб, мусулмонлар собиқ қулларни «фалончининг мавлоси» деб атаганлар. Уларнинг қабиласига нисбат бериб, «фалоний» деб номлаганлар ва меросхўрлари бўлмаса, ўзлари уларга меросхўр бўлганлар.

Бу ишларнинг ҳаммаси қулларнинг обрўсини кўтариш, озод бўлганларидан кейин ҳурлар жамиятига сингиб кетишлари, ўзларини ғариб санамасликлари учун кўрилган чоралардир.

**«Ҳадис ва ҳаёт» китобидан**